

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-55662000

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



যুক্তরাষ্ট্র পররাষ্ট্র দপ্তর

মুখপত্রের কার্যালয়

গণমাধ্যম সম্পর্ক বিষয়ক কার্যালয়ের পরিচালক এলিজাবেথ ট্রুডোর বক্তব্য

২৪শে অগাস্ট ২০১৬

## যুক্তরাষ্ট্রের পররাষ্ট্রমন্ত্রী জন কেরি ঢাকা ও নয়াদিল্লি সফর করবেন

বাংলাদেশ ও যুক্তরাষ্ট্রের মধ্যকার দীর্ঘমেয়াদী ও বিস্তৃত সম্পর্ক আরো জোরদার করার লক্ষ্য নিয়ে যুক্তরাষ্ট্রের পররাষ্ট্রমন্ত্রী জন কেরি আগামী ২৯শে অগাস্ট ঢাকা, বাংলাদেশ সফরে আসছেন। বিভিন্ন বৈশ্বিক বিষয়ে দুই দেশের ক্রমবর্ধমান সহযোগিতা নিয়ে আলোচনা করার জন্য পররাষ্ট্রমন্ত্রী কেরি বাংলাদেশের সরকারি কর্মকর্তাদের সাথে সাক্ষাৎ করবেন। এছাড়াও গণতন্ত্র, উন্নয়ন, নিরাপত্তা এবং মানবাধিকার বিষয়ে আমাদের দীর্ঘমেয়াদী দ্বিপাক্ষীয় অংশীদারিত্ব আরো শক্তিশালী করার ওপরেও তিনি জোর দেবেন।

আগামী ২৯-৩১ অগাস্ট পররাষ্ট্রমন্ত্রী কেরি ভারতের নয়াদিল্লি সফর করবেন। সেখানে তিনি ভারতের উর্ধ্বতন সরকারি কর্মকর্তাদের সাথে বৈঠক করবেন। ৩০শে অগাস্ট পররাষ্ট্রমন্ত্রী কেরি এবং যুক্তরাষ্ট্রের বাণিজ্যমন্ত্রী পেনি প্রিৎস্কার যুক্তরাষ্ট্র-ভারতের মধ্যকার দ্বিতীয় কৌশলগত ও বাণিজ্যিক সংলাপ (স্ট্র্যাটেজিক এন্ড কমার্শিয়াল ডায়ালগ -- এসএন্ডসিডি)-এ সহ-সভাপতিত্ব করবেন।

পররাষ্ট্রমন্ত্রী কেরি এবং বাণিজ্যমন্ত্রী প্রিৎস্কার-এর সাথে এই আলোচনায় যোগ দেবেন এবং ভারতের পক্ষে সহ-সভাপতিত্ব করবেন পররাষ্ট্র বিষয়ক মন্ত্রী সুশমা স্বরাজ এবং বাণিজ্য ও শিল্প প্রতিমন্ত্রী নির্মলা সীতারাম। তাদের সাথে থাকবেন যুক্তরাষ্ট্র এবং ভারতীয় প্রতিনিধি দল।

“এসএন্ডসিডি” যুক্তরাষ্ট্র এবং ভারতের মধ্যকার টেকসই অর্থনৈতিক প্রবৃদ্ধি, কর্মসংস্থান, জীবিকা, ব্যবসা ও বিনিয়োগ পরিস্থিতির উন্নয়ন, এবং বিশ্বব্যাপী টেকসই আইনের শাসন এগিয়ে নিয়ে যাওয়ার একটি স্বাক্ষর প্রক্রিয়া।

=====